



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog kantona/Kantonalno
tužiteljstvo Središnja Bosna
Travnik

Broj: T06 0 KTK 0036106 25

Travnik, 19.11.2025.godine

OPĆINSKI SUD U JAJCU

Sudcu za prethodno saslušanje

Na osnovu odredbe članka 45. stav 2. točka h), član 241. stav 1. Zakona o kaznenom postupku Federacije Bosne i Hercegovine, podužem

OPTUŽNICU

Potvrđena dana 13.01.2026.godine

Protiv:

1. Ferid Julardžija,
2. Mersad Imočanin

Zbog postojanja osnovane sumnje da su:

1. Ferid Julardžija

Dana 08.08.2024. godine, na području općine Jajce, kao odgovorna osoba u svojstvu manipulant otpreme na lageru ŠPD/ŠGD d.o.o. Donji Vakuf, Šumarija Jajce, koje poslove je vršio na temelju Pravilnika o radu ŠPD/ŠGD d.o.o. Donji Vakuf broj: 01-02-510/05 od 25.10.2005. godine kojim su pod brojem 63 opisani radni zadaci radnog mjesta manipulant otpreme i Ugovora o radu (u daljem tekstu: „Ugovor“), s ciljem da sebi pribavi korist i drugog oštetiti iskoristio svoja službena ovlaštenja tako što je postupajući suprotno članu 4 stav 1. Ugovora kojim je ovlašten da vrši otpremu drvnih sortimenata sa međustovarišta i dužan da evidentira otpremljene drvene sortimente prilikom otpreme drvnih sortimenata iz odjela 115. 124 i 127 GJ Dnoluka za pravno lice Poričnica d.o.o. Bugojno otpremio dva komada trupaca, na kamion firme Poričnica d.o.o. Bugojno kojim je upravljao Mersad Imočanin zaposlenik navedene firme i to jedan sa žutom pločicom broj 209772 u količini od 0,86 m³ obilježen prijemnim okruglim čekićem broj 204 i otpremnim trouglastim čekićem broj 204 i jedan trupac nepoznatih dimenzija i obilježja, iako navedeni trupci nisu evidentirani na otpremnom iskazu za kupca svjestan da je otprema drvnih sortimenata sa međustovarište zabranjena bez evidentira i da na taj način može pričiniti štetu ŠPD/ŠGD d.o.o. Donji Vakuf i htijući to,

čime je pribavio sebi korist u vidu drvnih sortimenata, te ošteti Šumariju Jajce za neutvrđeni novčani iznos.

Dakle, kao odgovorna osoba iskorištavanjem svojih ovlaštenja pribavio sebi korist i drugom nanio štetu.

2. Mersad Imočanin

1. Dana 08.08.2024. godine, na području općine Jajce na lageru ŠPD/ŠGD d.o.o. Donji Vakuf Šumarija Jajce kao vozač firme Poričnica d.o.o. Bugojno pomagao Feridu Julardžiji koji je u svojstvu manipulanta otpreme raspolagao drvnim sortimentima vlasništvo ŠPD/ŠGD d.o.o. Donji Vakuf da neovlašteno raspolaže drvnim sortimentima, tako što je prilikom utovara drvenih sortimenata za firmu Poričnica d.o.o. Bugojno po nalogu Ferida Julardžije bez otpremnog iskaza trupce vlasništvo ŠPD/ŠGD d.o.o. Donji Vakuf i to jedan sa žutom pločicom broj 209772 u količini od 0,86 m³ obilježen prijemnim okruglim čekićem broj 204 i otpretnim trouglastim čekićem broj 204 i jedan trupac nepoznatih dimenzija i obilježja natovarilo na kamion firme Poričnica d.o.o. Bugojno zajedno sa trupcima kupca Poričnica d.o.o. Bugojno, svjestan da stavljanjem na raspolaganje sredstava za počinjenje kaznenog djela pomaže Feridu Julardžiju da iskorištavanjem službenih ovlaštenja pribavi sebi korist, što je i htio, a potom se zaustavio na pilani firme HN Export d.o.o. Donji Vakuf gdje je istovarilo navedena dva trupca i predao Elviru Imočanin radniku firme HN Export d.o.o. kako bi iste prorezao.
2. Dana 08.08.2024. godine, na području općine Jajce obavljajući poslove vozača firme Poričnica d.o.o. Bugojno na lageru ŠPD/ŠGD d.o.o. Donji Vakuf, Šumarije Jajce natovarilo na kamion radi prijevoza trupce za kupca Poričnica d.o.o. Bugojno koji su mu bili povjereni na temelju Ugovora o radu na neodređeno vrijeme od 01.01.2022. godine zaključen sa firmom Poričnica d.o.o. Bugojno kojim je ovlašten da obavlja utvor, istovar i prijevoz robe do kupca, a potom u namjeri da za sebe pribavi imovinsku korist zaustavio se na pilani firme HN Export d.o.o. Donji Vakuf gdje je istovarilo tri trupca vlasništvo kupca Poričnica d.o.o. Bugojno u količini od 3,41 metar³, koja su bila uredno evidentirana u otpretnim iskazima Šumarije Jajce i to dimenzija 7x50 u količini od 1,37 m³, dimenzija 4x63 u količini od 1,25 m³ i dimenzija 4x50 u količini od 0,79 m³, te iste predao Elviru Imočanin radniku firme HN Export d.o.o. kako bi iste prorezao, a potom prorezane trupce u količini od 3,41 metar³ zadržao za sebe, svjestan da neovlašteno zadržava tuđu pokretninu koja mu je povjerena, što je i htio, na koji način je pribavio sebi korist u neutvrđenom iznosu i ošteti firmu Poričnica d.o.o. Bugojno.

Dakle, pomogao u počinjenju kaznenog djela stavljanjem na raspolaganje počinitelju sredstava za učinjenje kaznenog djela, te s ciljem da sebi pribavi imovinsku korist protupravno zadržao tuđu pokretninu koja mu je povjerena.

Čime bi Ferid Julardžija počinio kazneno djelo Zloupotreba položaja ili ovlaštenja iz člana 383. stav 1. KZ FBiH.

Čime bi Mersad Imočanin pod točkom 2.1. počinio kazneno djelo Pomaganje u počinjenju kaznenog djela Zloupotreba položaja ili ovlaštenja iz člana 383. stav 1. KZ

FBIH u vezi sa članom 33 KZ FBiH, pod točkom 2.2. kazneno djelo Utaja iz člana 290 stav 1. KZ FBiH, a sve u vezi sa članom 54. KZ FBiH.

Kantonalna tužiteljica

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.